

鄭
堂
讀
書
記

鄭堂讀書記卷六十一

烏程周中孚撰

子部十一之中

類書類二 宋至元

事類賦三十卷 元刊本

宋吳淑撰併自注

淑字正儀丹陽人仕南唐爲內史歸宋爲試學士院授大理評

寺後官至起居舍人職方員外郎稱博士蓋其進書時官也

四庫全書著錄

讀書附志書錄解題玉海

五十

通考宋志俱載之

前有正儀進狀云臣先進所著一字題賦百首

奉訓詞俾加注釋今並於逐句之下以事解釋隨

所稱引本於何書庶令學者知其所自又集類之

體要在易知聊在解釋不復備舉必不可去亦具存之凡讖緯之書及謝承後漢張璠漢記續漢書帝系譜徐整長厯元中記物理論之類皆今所遺逸而著述之家相承爲用不忍棄去亦復存之前所進二十卷加以注解卷帙差大今廣爲三十卷目之曰事類賦今觀是書凡分十四部曰天曰歲時曰地曰寶貨曰樂曰服用曰什物曰飲食曰禽曰獸曰草木曰果曰鱗介曰蟲每部又其分百目各爲一篇紹興丙寅邊惇德序之稱其書駢四儷六文約事備經史百家傳記方外之說靡所不有其視李嶠單題詩丁晉公青衿集用功蓋萬萬矣

至國朝康熙末無錫華芋園又病其未備而廣爲二百九十一篇然精博終不逮是編也此本爲元人翻宋刊本故卷末尙存惇德等校勘銜名別有乾隆甲申劍光閣刊本則卽以嘉靖本重刊乃今之通行本云

太平御覽一千卷目錄十卷

明刊本

宋李昉等奉敕撰

昉字明遠饒陽人舉進士官至中書侍郎平章事諡文正

四庫全書著錄崇文目讀書志書錄解題通考宋志俱載之晁氏稱太平興國中昉被詔輯經史故事分門春明退朝錄云書成帝日覽三卷一年而讀周賜名太平御覽陳氏稱以前代修文御覽藝

文類聚文思博要及諸書參詳條次修纂本號太平編類太平興國二年受詔八年書成書改名御覽或言國初古書多未亡以御覽所引用書名故也其實不然特因前諸家類書之舊爾以三朝國史攷之館閣及禁中書總三萬六千餘卷而御覽所引書多不著錄蓋可見矣今案是書前有經史圖書綱目後綴有計一千六百九件外有古律詩古賦銘箴雜書等類不及具錄此係宋時官本所有足徵直齋之言信矣其書凡自天部以迄百卉部共分五十五部每部又各分子目雖多轉引類書不能一一出自原本然包羅萬象總括羣書記

歷代之興亡備兩間之名物幾如杜家武庫無所
不有而攷其所引傳於今者又十不存二三焉洵
考據之淵藪非冊府元龜諸大類書所可並也是
本前又有宋朝會要一則稱爲小引末有慶元五
年蒲叔獻李廷允二跋蓋從宋刊所有鈔入也然
宋刊本明代已不可概見僅有傳鈔本活字印本
及此刊本而已此本當屬萬厯初浙人倪伯文炳
以傳鈔本付刊故顛倒脫落至不可讀其重刊序
又爲書賈撕去以當宋刊今揚州鮑氏有仿宋刊
本精校再三不滋舛脫於是人皆舍明本而從新
本矣

冊府元龜一千卷目錄十卷

五繡堂刊本

宋王欽若楊億等奉敕撰

欽若字定國新喻人澤化中進士官至中書侍郎

同平章事封冀國公諡文穆億字大年浦城人澤化中進士官至翰林學士諡曰文

四

庫全書著錄崇文目讀書志書錄解題通考宋志

俱載之宋志又有音義一卷一當爲十之誤但是

書自宋迄明祇有鈔本此十卷已佚之矣晁氏稱

景德二年詔王欽若楊億修君臣事跡惟取六經

子史不錄小說雜書至祥符六年書成上之凡三

十一部部有總序千一百四門門有小序同修者

十五人初撰篇序諸儒皆作帝以體制不一付億

竄定賜今名爲序冠其首其音釋又命孫奭爲之

陳氏稱所采正經史之外惟取戰國策國語韓詩
外傳云公羊春秋管晏韓子孟子淮南子及修文
殿御覽每門具進上親覽摘其舛誤多出手書或
詔對指示商略今觀其書前五百卷紀君後五百
卷紀臣皆載歷代君臣德美之事爲將來取法凡
悖惡之事及不足爲訓者皆不纂錄義據通深囊
括與要主極臣謨燦然明且備矣攷洪氏容齋隨
筆有援資治通鑑之書以相比較嫌其不錄雜史
瑣語小說家傳而少之不知著述自有體要其勢
不能以兩得也洪氏所論殆猶未達是書之旨也夫
明崇禎中文太青翔鳳及其門人黃石公國琦先

後取是書校正謫誤將授諸梓未果至 國朝康

熙壬子石公之姪 九錫等始爲刊行前有太青序

及石公二序并考據六則末有 九錫後跋

春秋經傳類對賦一卷

通志堂經解本

宋徐晉卿撰

晉卿里貫未詳皇祐中官將仕郎試秘書省校書郎

四庫全

書存目讀書志書錄解題通考宋志俱不載倪氏

宋志補

春秋類

朱氏經義考始載之前有皇祐辛卯

自序稱藏於篋衍以自備於檢尋傳之昆雲而俾

謹乎誦習非敢流布聖旦昭示鉅儒以爲哂噓之

資云云則宋時未行於世可知是以諸家無從著

錄也其賦凡一百五十韻一萬五千言於經傳二

百四十二年之事庸次比耦絲牽繩連尋而味之

各有指趣何其精且晰耶攷宋志載崔昇春秋分

門屬類賦三卷

楊均注

裴光輔春秋機要賦一卷尹

玉羽卿春秋音義賦十卷

冉遂良注

又春秋字源賦二

卷

楊文舉注

李象續春秋機要賦一卷王霄春秋括囊

賦集注一卷今皆散佚無一存者亦可藉是賦以

想見其大凡矣此賦乃元至大戊申江陵路總管

太原趙嘉山得其善本鋟諸學宮流傳始廣末有

教授長沙區

斗英

跋納喇容若卽從之翻雕并爲

之序

事物紀原二十卷

明刊本

宋高承撰

承開封人元豐中入

四庫全書著錄作十卷乃

據明正統間南昌簡敬

敬

所刊本中興書目

見陳氏引讀

書附志宋志

雜家類

俱作十卷蓋其原書書錄解題

雜家類

通考

雜家類

俱作二十卷則其增益本也陳氏稱

是書凡二百七十事今此書多十卷且數百事當是後人廣之耳今觀是編自天地生植以迄蟲魚鳥獸凡分四十九門又附山海靈怪一門共載九百七十五事非陳氏所記有譌卽後人又有所竄入也此本不題高承所撰殆以此歟趙氏謂自天地生植與夫禮樂刑政經籍器用下至博奕嬉戲之微蟲魚飛走之類無不放其所自來云云此當

據原書言之今雖爲後人疊加增益而體例無改其舊且皆考索古書求其緣起間有未精審處亦百中之一二耳原書有雙溪增彬序見附志此本無之蓋久佚矣是本前有正統甲子建安陳華南平趙弼二序卽卷首所題批點校正二人也末有豫章余鐸鐸後序前又有成化辛卯會稽魏瀚瀚重刊序當卽取正統本而重刻之云

書敘指南二十卷 墨海金壺本

宋任廣撰

廣字德儉浚儀人崇寧中人

四庫全書著錄讀書

志書錄解題通志通考宋志俱載之

宋志敘誤爲籍晁馬

兩家俱作任浚蓋以德儉浚儀人而致誤也晁氏

云纂集古今文章碎語分門編次凡二百餘類陳氏云皆經傳四字語備尺牘應用者也今觀是書皆采摭載籍成語仿訓詁體爲之不僅如晁氏所謂文章碎語陳氏所謂經傳四字語也其以書敘爲名者以其專備簡牘之需耳援引雖屬叢冗而皆自本書各注所出非由類書碑版而來也其書原刊版久燬後俱傳寫失真至國朝雍正初金匱得宋刊本重爲補刊卽兩淮采進本也張若雲從文瀾閣本寫以付梓冠以提要一篇

海錄碎事二十二卷

明刊本

宋葉廷珪撰

廷珪字嗣宗號翠巖崇安人政和五年進士出知德興縣紹興中爲太常

寺丞與秦檜作以左請大夫出知泉州軍州事

四庫全書著錄書錄解

題通考俱作三十三卷宋志作二十三卷據其自序稱爲門五百七十五爲卷二十有二知陳馬兩家及宋志皆字之誤也而今本實分部十六爲門五百八十四豈自序又爲傳寫之誤歟序又稱始予爲兒童時知嗜書後肄業郡學升貢太學登名天府逮於入仕蓋四十餘年見書益夥每聞士大夫家藏秘書無不借讀嘗恨無貲不能盡得間寫作數十大冊擇其可用者手鈔之名曰海錄其文多成片段者爲海錄雜事其細碎如竹頭木屑者爲海錄碎事其未知故事所出者爲海錄未見事

其事物興造之原爲海錄事始其詩篇佳句曾經前輩所稱道者爲海錄詩句圖其有事跡著見作詩之由爲海錄記事詩獨碎事文字最多未有倫次閱歲旣人所編猥繁檢閱非易嘗以爲病紹興十八年秋得郡泉山公餘無事因取而類之云云是嗣宗著書六種皆以海錄爲總名今則諸書皆佚惟是書存雖摘裂章句破碎太過然皆從本書而來多新奇事未經前人文字中用實可爲文章俟助云前又有何陽傳

自得序

古今姓氏書辨證四十卷目錄二卷

敦孔堂刊本

宋鄧名世撰其子椿年哀次之

名世字元亞臨川人紹興四年表上

此書賜進士出身官校書郎
史館校勘 椿年仕履無攷

四庫全書著錄宋

會要中興書目續書目

俱見王
海引

書錄解題

譜牒
類

通

考

譜牒
類

宋志

譜牒
類

俱載之宋會要作十四卷中興

椿年

序稱書凡三本其

目作十二卷卷數各異據

椿年

序稱書凡三本其

五卷者成於宣政之間其十四卷者成於建炎之

初椿年又取宋名公文集行狀墓志訂證次序釐

爲四十卷是以不同也明史藝文志

譜牒
類

亦載及

其書或因焦氏經籍志

譜牒
類

所載而誤收之然焦

氏本列在宋人中也其書紹興時有刊本久佚不

存惟散見於永樂大典中今館臣卽據以錄出仍

釐爲四十卷以復原書之舊并冠以宣和甲辰高

裴序及乾道戊子椿年序玉海

五

稱專取左氏國

語爲主參以五經子史之文自風俗通以來

如姓苑百

家譜姓纂

凡有所長盡用其說穿鑿譌謬必辨駁之始

於國姓餘分四聲終於漢姓蕃姓補遺凡四十卷
復以熙寧姓纂皇朝百官公卿家譜參訂書始於
政宣而成於紹興之中年名世子椿年裒集次序
之其書始備案今本自首卷迄末卷一以韻隸姓
此則重爲編輯故不必如原書次第始於國姓而
終於漢姓蕃姓補遺焉攷元亞表上時吏部尙書
胡松年看詳學有淵源辭亦簡古考訂明切多所
案據誠不誣云嘉慶壬戌洪桐生

楷

得

秘閣傳

寫本屬孫淵如師校刊并爲之序繫以玉海二則
錦繡萬花谷前集四十卷後集四十卷續集四十卷別
集三十卷 明刊本

不著撰人名氏 四庫全書著錄無別集三十卷
書錄解題止作錦繡萬花谷四十卷續四十卷通
考同倪氏宋志補則全載之焦氏經籍志總作八
十卷蓋依陳氏也前有宋濂熙戊申原序稱晚無
以自娛復留意於科舉之外凡古人文集佛老異
書至於百家傳記選技稗官齊諧小說荒錄怪志
乃略有敘又附以唐人及國家諸公之詩自九華
之歸編麤成爲三集每集析爲四十卷先是烏江

蕭恭父河南胡恪聞其大槩爲余命名曰錦繡萬
花谷今從其名云云據此知陳氏偶遺後集也至
別集又非撰前三集者之原書當爲後人所續增
故序不及之明嘉靖丙申無錫秦沐所述攷證以
爲近於坊間購得宋刻與所敘同獨續集一帙與
會通館刻迥異諒散佚不存一時編校者之誤也
余家尙有別集三十卷緣鈔白無徵同志之士幸
相與共成之然則別集至是始有刻本也其書前
集凡二百四十二類後集凡三百二十六類續集
前十四卷凡四十六類後二十六卷皆類姓一類
別集凡一百九十六類每類各條皆有白字標明

雖不免冗雜瑣碎而其所引古書頗多所載宋代軼事逸書尤夥且一一具注出處頗有資於攷證惜前三集爲書展轉增加并下及紹定端平事迹有失原書之舊耳末又有東洛張愷跋

記纂淵海一百卷

明刊本

宋潘自牧撰

自牧字牧之金華人慶元元年進士官龍游令

四庫全書

著錄焦氏經籍志倪氏宋志補俱載之倪氏作一

百九十五卷注云今本一百卷明文淵閣書目載

一部十二冊闕一部三十九冊闕殊不足據惟浙

江采集遺書總錄載有一百九十五卷天一閣寫

本書尾著泰定乙丑圓沙書院刊行則當時曾有

元刊傳鈔足本上之於館矣而提要據兩淮馬裕
家藏百卷之本並稱爲明萬厯己卯東魯王嘉賓
補遺蓋書帕之本不可解也今是書卷首有刻書
名氏亦列東魯王嘉賓補遺而編次校正諸人與
兩淮本陳文燭序所舉人數不合且此本前亦有
萬厯己卯胡維新序又非陳文燭序胡序稱陳大
夫由御史出秉魏憲梓其書諸詮次卷帙不載載
大夫自序中然陳序此本又不載不知大夫可卽
陳文燭其人耶大約皆書帕之本不過謬加補遺
編次人名於前或無竄亂卷第之弊尙屬宋人舊
帙耳惟卷數減其一半非得天一閣本核之則竟

無從攷矣是書凡分二十二部一千二百四十六門每門紀載以經史子集爲次而一百卷中又以天地人物提綱卷一至卷五爲天道卷六至卷二十五爲地理卷二十六至卷八十九爲人事卷九十至卷一百爲物類詳近略遠詳大略細體例與他類書迥殊而賅備則相等也浙江遺書總錄載其嘉定己巳自序云自少嗜書引用前輩類書紀事體參以纂言自成一編東陽賈君昉成甫求室吾妹間語及之於是慨然從臾干涉春秋繙卷數萬而書稍就又得金華汪君漳叔川贊決而增益之云云此本不爲全載自序何也豈傳本有佚脫

與

羣書考索前集六十六卷後集六十五卷續集五十六

卷別集二十五卷

慎獨書齋刊本

宋章如愚撰

如愚字俊卿金華人慶元中登進士第初授國子博士改知貴州

四庫全書著錄作山堂考索倪氏宋志補同焦氏

經籍志總作羣書考索二百十二卷其書前集分

十五門曰六經曰諸子曰百家曰諸經曰諸史曰

聖翰曰書目曰文章曰禮曰禮器曰樂曰律呂曰

厯數曰天文曰地理後集分九門曰官制曰官曰

士曰兵曰民曰財曰賦役曰財用曰刑續集分十

七門曰經籍曰諸史曰文章曰翰墨曰律厯曰律

曰厯曰五行曰禮樂曰封建曰官制曰兵制曰財
用曰輿地曰君道曰臣道曰聖賢別集分十一門
曰圖書曰經籍曰諸史曰禮樂曰厯曰人臣曰士
曰財用曰兵曰夷狄曰邊防每門又各分類每類
又各分條目大抵此集所遺卽彼集所補枝枝葉
葉而成之故體例頗爲糅雜亦南宋類書之通弊
然大而天文地理之幽蹟君道臣道之弘遠經史
禮樂之淵懿以至兵刑制置財用盈縮官制邊防
沿革靡不深探本原具載無遺則非南宋類書所
及也前有明正德戊辰莆田鄭京刊序及山堂眞
像

雞肋二卷

舊鈔本

宋趙崇綯撰

崇綯字元素簡王元份八世孫汝适子也

四庫全書著

錄作一卷倪氏宋志補

雜家類

焦氏經籍志

小說家

俱

同當卽據說郛百川學海諸本也明文淵閣書目

子雜類

有宋莊綽雞肋編一冊此則書名偶同而非

誤涉爾前有自序稱余性根弗靈無彊記能寘一

編於几硯間隨筆錄之以類鈔聚列爲二卷名曰

雞肋今觀是書凡五十五則取古事之相似而不

同者各以類聚於類書爲別格間有祇載一事者

又有自爲一說者疑其隨手雜記未及成編故以

雞肋名書歟然其類事之體遂爲陳錫元駢志周

櫟園同書方田伯古事比所取法矣學津討原所
收卽從陶氏左氏兩本錄入而以此三本核之僅
夜光一則鄒陽傳夜光之璧古今注螢火一名夜光淮南子月名夜光爲是本
所無而是本所載借親一則異端一則殺人欠債
一則謙遜一則戒訟戒兵一則敗家應世一則不
仁可言一則原治一則目蓮尊者一則六丈神一
則華手尼一則菩薩得免一則得兩截臂一則仆
虜一則極貴何憂一則故舊一則古語兩句一則
皆各本所無蓋陶氏據原本刪存一卷而左氏張
氏皆沿之爾此本楷法雖劣紙墨頗舊當是相傳
原本而失鈔夜光一則云

小字錄一卷

明萬曆己未暢聞刊本

宋陳思撰

思仕履見目錄類

四庫全書著錄宋志及宋

志補俱不載其書推廣陸魯望小名錄而作小字
其實一也首列歷代帝王凡三十八則次自漢魏
以迄北宋諸臣凡一百六十七則皆集史傳所載
小字依次成帙明沈弘正序之稱陸氏草創於前
至婦女奴隸與侯王君公並列陳氏出首帝王歸
然如衣服之有冠冕若乃婢喚萱枝奴名銀鹿皆
在所裁可謂有倫有脊故後之觀者不得不以陸
氏爲前薪耳弘正蓋又拾陳氏所遺爲小字錄補
六卷故重刻是錄以爲先鞭也

新箋決科古今源流至論前集十卷後集十卷續集十

卷別集十卷

元麻沙書坊刊本

前集後集續集宋林駟撰別集宋黃履翁撰

駟字德頌

寧德人嘗以易魁鄉薦

履翁字吉

父自署曰三山亦閩人也擢進士第四庫全書

著錄宋志及宋志補俱不載其書前集凡分七十

七類後集凡分六十六類續集凡分五十一類別

集凡分五十類本以備程試之用故前後集於書

之上闕俱標明擬題然於歷代政治沿革門分類

別尙有條理而於當代掌故尤詳有資考證是雖

不及章俊卿山堂考索之精博而較之鄉塾陋儒

勦襲陳因之編夫固遠出其上矣前有吉父原序

止題癸巳而無紀年以其書考之當屬宋理宗紹定六年云

玉海二百卷

重修明南監本

宋王應麟撰

應麟仕履見詩類

四庫全書著錄倪氏宋

志補焦氏經籍志俱載之焦氏作二百七十二卷蓋併附刻書十三種在內也是書蒐羅典故囊括舊聞自天文以迄祥瑞凡分二十一部部各有門通計爲二百四十餘門門各以年代之先後爲次其紀年則始於伏羲堯舜終於宋之末年其摭集之書籍則自六經眾史百家子集注疏傳記譜牒藝術隱蹟之書靡有孑遺間以所見疏列下方纂

次詳備博而有要體例與他類書迥殊攷宋時有
博學宏詞科是書實後進資藉而其中源流條貫
包蘊弘深無所不有引用一事必錄書名制作更
改並詳月日期於開卷井然易爲檢核蓋厚齋博
極羣書諳練掌故觀其詞學指南所云編題之法
知此書卽其業詞科時所創始後逐漸增益成編
遂能與杜氏通典抗行焉其書雖嘗傳錄於世當
元至順癸未尙未刊行浙東道宣慰司准國子監
牒始校正付梓前有至元癸未指揮及胡助李桓
王介阿殷圖四序至以萬厯己丑南雍重修祭酒
趙用賢爲之引入國朝康熙丁卯李振裕又爲

重修而係以序并有王

式丹

等補刻例言越五十

二年乾隆戊午其版旋復殘闕

振裕

之甥熊

本

又

補刊而爲之序舊附刻書十三種惟詞學指南原附書末今則一概別爲記之

小學紺珠一卷

玉海附刊本

宋王應麟撰 四庫全書著錄宋志

小學類

及宋志

補俱載之倪氏蓋見宋志類事類無此書而誤補之爾是書分天道律厯地理人倫藝文歷代聖賢名臣氏族職官治道制度器用儆戒動植十五類凡諸書所載故實有數可紀者各以類從其例始自偽陶潛四八目厚齋取以類事遂爲勅格書中

分門別類尙少條理而采摭又未爲詳備并習見之事多所漏略蓋此爲厚齋不經意之作聊以借後來張學和宮定山諸家之藍本耳攷唐張燕公患多讀少記得紺碧大珠一顆握以自照則平生所讀所記了了不忘是書命名蓋取諸此前有元大德庚子方回辛丑牟應龍二序津逮秘書亦收入之

姓氏急就篇二卷

玉海附刊本

宋王應麟撰 四庫全書著錄倪氏宋志補亦載之是編以姓氏聯貫成章取便童蒙誦習其體仿史游急就篇而吐屬雅馴亦復相似惟篇中複姓

間有重字如申屠不能避申字屠字之類蓋又屬單姓故也其餘單姓皆無一字重見而且有意義以賅括之可謂人巧奪天工矣其注亦厚齋所自作徵引典博證據分明殆無一字虛設末有自跋一篇亦作韻語亦勘格也

事文類聚前集六十卷後集五十卷續集二十八卷別集三十二卷新集三十六卷外集十五卷遺集十五卷

明萬曆甲辰金谿唐氏重刊本

前後續別四集宋祝穆撰新集外集元富大用撰遺集元祝淵撰其共合爲一編乃建陽書賈所爲也

穆字和父建陽人程元鳳以其所著書進除迪功郎興化軍涵江書院山長大用字時可南

江人
宗禮建安人

四庫全書著錄倪氏宋志補全載

和父四集補元志全載時可二集宗禮一集錢氏
補元志止載時可二集焦氏經籍志總作二百二
十一卷則亦不數遺集也前有漳祐丙午和父自
序稱穆觀古人嘉言粹行大篇短章隨卽疏記積
成鉅帙因攷歐陽詢徐堅所著類書采摭事實及
詩文合而成編頗有條理暇日倣其遺意詮次舊
稟自義農以至我宋各循世代之次紀事而必提
其要纂文而必拔其尤編成輒以古今事文類聚
名之蓋其書實倣藝文類聚初學記之體而稍爲
變通之其多載詩文全篇正復相同足資檢閱時

可宗禮相繼增加體例皆無改祝氏之舊所以合之無兩傷也又案序稱古今事文類聚故此七集每卷標題俱如是惟版心省古今二字然諸家目錄俱止作事文類聚今亦遵之不加入云

全芳備祖前集二十七卷後集三十一卷

寫本

宋陳景沂撰

景沂號肥遯愚一子天台人

四庫全書著錄倪

氏宋志補亦載之是書成於寶祐丙辰前有自序稱古今類書錄此遺彼不可謂全取末棄本不可謂備余晨窗夜鐙不倦披閱記事而提其要纂言而鉤其玄獨於花果草木尤全且備所集凡四百餘門非全芳乎凡事實賦詠樂府必稽其始非備

祖乎今觀其書前集爲花部後集爲果部九卷卉部三卷草部一卷木部六卷農桑部三卷蔬部五卷藥部四卷每部所列花果草木之屬各分事實始賦詠祖二類而事實始又分碎錄紀要雜著三目賦詠祖又以五七言各體詩分十目所載事實與諸書相出入賦詠則采錄宋詩特詳類別門分條理該括而廣收博采實無忝全備之稱後來王蓋臣卽因之以撰羣芳譜而諸家甄錄宋詩亦多據此爲典要焉前又有寶祐癸丑安陽老圃韓境序稱其嘗以塵天子之覽云

古今合璧事類備考前集六十九卷後集八十一卷續

集五十六卷別集九十四卷外集六十六卷

明刊本

宋謝維新撰

維新字去咎建安人自曰膠庠進士蓋太學生也

四庫全

書著錄倪氏宋志補焦氏經籍志俱載之焦氏總作合璧事類一百卷攷明文淵閣書目載有二部各九十冊知焦氏誤以冊爲卷也是編前有寶祐丁巳自序蓋應坊人劉德亨之託而作并書名亦德亨所定前集凡分門四十一又分爲四百九十一目後集凡分門四十八又分爲四百十六目續集凡分門六又分爲五百七十目別集亦分門六又分爲四百十目外集凡分門十六又分爲四百三十目如州郡等門已見祝氏方輿勝覽者此不

復載所載始而天文地理次而節序人物以至族屬官職姓氏之分儒學仕進道釋技藝之等與夫吉凶慶弔冠婚喪祭之儀草木蟲魚器用動什之末莫不類而得其備備而得其要其間列以標題配以合璧俾閱是編者求其一知其二觀於此則得於彼既無披索之勞而有駢儷之巧凡古今應用之事悉於此書萃焉亦可謂類事之淵海矣後有同郡黃似道叔度跋至明嘉靖丙辰衢州夏相業精加繕錄重繡之梓晉陵顧可學爲之序

新增說文韻府羣玉二十卷

乾隆己卯刊本

元陰幼逮撰其兄幼達注明王元貞增修

幼達一作時逮

字時夫一字勁弦奉新人登宋寶祐九經科入元
不仕幼達字中夫一字復春舊刻皆題其弟兄
之字未詳何義元四庫全書著錄乃大德中
貞字孟起江寧人

刊版猶時夫原書倪氏補元志焦氏經籍志俱載
之此本爲萬厯中孟起所增修據其前有原書凡
例九條增修凡例五條又有事類總目注有新增
字樸知其書又一變原書之舊矣時夫序稱近世
黃氏所編韻會雖不詳於紀事然非包羅古今者
不及此而猶遺聰聰紳嘶等字又稱遺則續之誤
則正之云云知其卽韻會一書每韻隸事以便檢
閱并有補遺正誤之處幼達序亦稱予季以事繫
韻多所摘奇豈皆能判然無疑者疑而不釋是猶

摘埴冥行而已愚故隨字注釋以備觀鑒庶乎索
韻而得字考釋而無疑云其父竹垞倦翁及同時
滕賓姚雲俱爲之序趙孟頫爲之題其書雖屬舛
漏然世所通行韻本卽從此鈔出存之亦可備元
代韻書之一種而孟起復以己意爲之增修冠以
新增說文四字陳文燭序之極爲稱許而不知其
所增雖不無小補究未免有改竄舊書之失矣至
國朝康熙中又有河間知府徐可先之婦謝瑛
取原書重輯爲增刪韻玉定本則并原書標目改
之更不足道也

新編簪纓必用翰苑新書前集七十卷後集上二十六

卷後集下六卷別集十二卷續集四十二卷

明刊本

不著撰人名氏別本題宋謝枋得撰者坊賈所贗託也 四庫全書著錄作翰苑新書倪氏宋志補

焦氏經籍志所載俱同焦氏止作二十七卷顯屬脫譌又翰墨全書百三十三卷書名卷數俱不相合攷明文淵閣書目已有翰墨全書一部十九冊又有翰墨新書四部一作二十五冊一作三冊一作十六冊一作十二冊豈翰墨全書乃別一種而翰墨新書卽是書之原名歟前有明萬厯辛卯陳玉叔文燭序稱翰苑新書此宋人書也原無梓本分宜袁相公錄自秘閣首卷尙缺華亭徐相公錄

有全書而武進徐給事中得之梓人周曰梓重價購焉門人許秀才以忠工校讐之役書成請余敘首卷云云然則是書作於宋季厯元迄明萬厯中始有刊本也其書前集皆備書啟之用後集上皆備箋表之用後集下爲類姓而補前集之未備者三門別集皆錄宋人箋表之類續集皆錄宋人書啟之類大都以前集後集載事別集續集載文也蓋自三公九列百司庶事如事契慶賀頌德薦舉諸類靡不悉具故雖爲應酬而作於當代典故文章蒐羅最廣實於考證有裨故書雖久晦而終顯於世焉

鄭堂讀書記卷六十一

鄭堂讀書記卷六十二

烏程周中孚撰

子部十一之下

類書類三

明至

國朝

羣書集事淵海四十七卷

明刊本

不著撰人名氏 四庫全書存目明史藝文志亦

載之注引百川書志云弘治時人編前有弘治乙

丑劉

健

序稱內官監左少監賈公性近得書四十

七卷若事文類聚事類合璧之比題曰羣書集事

淵海而不著纂述氏名類以門分事因類著自往

古君臣而下外至四裔凡其行事之善惡載之益詳

且備因校正舛譌重新諸梓是此書刻於弘治時
人而非其時之人所編次也李西涯懷麓堂文後
稟有此書後序則稱國初人所輯不著姓名爲門
十爲目五百七十二爲事之條其多以數千計大
抵皆集諸書事略自春秋戰國訖於元季每條之
下必注其所出若可謂博而要矣按是序卽爲弘
治間重刊是書而作所言當得其實足徵百川書
志之誤然其書門目叢雜援引譌誤不及唐宋人
類書遠甚故兩家序文亦頗不滿之云

謝華啟秀八卷

嘉慶甲戌重刊巾箱本

明楊慎撰

慎仕履見禮類

四庫全書存目是編皆摘錄

古書字句以爲對偶自二字類迄八字類各爲一卷又偶句類爲一卷其前三卷間無對句當屬未成之書其出處或注或否亦漫無義例不免爲餽飭之學其取陸士衡文賦中語以名之者以其皆采新豔字句也然其中引舊文舊詩及鈔撮類書者頗夥而裁對亦不勻稱且多生湊則與命名之義殊乖蓋升庵隨意札記以備詞賦之需其殘藁展轉爲高江村所得因點勘付刻并爲之序函海亦收入之

均藻四卷

函海本

明楊慎撰 四庫全書存目是編乃其分韻編集

各書典實與所著哲匠金桴書異而體同但彼則摘其對偶此則摘其散句彼取之各集此取之羣書故不同也其曰均藻者升庵以古文無韻字均卽韻也故以均字代之爾大抵非詞藻古豔者不錄其徵引頗爲弘富奇文綺語沓至紛來其有資於詞章不淺矣前有李雨村二序

哲匠金桴五卷

函海本

明楊慎撰 四庫全書存目是書乃其采錄羣書中詩文賦頌并有語關對偶者依韻編次自漢魏以迄宋元皆擇其精者錄之亦可謂抉鑿詞林搜奇筆海者矣惜其借著書以消遣尙未能廣搜博

采以成完書耳其曰哲匠金梓者李雨村序稱考
詩鄭箋築牆者梓聚壤土盛之以藥而投諸板中
工匠之所必需也譬名言麗句隨所得而投之囊
中故以名書前又有雨村序

荆川稗編一百二十卷目錄三卷

文霞閣刊本

明唐順之撰

順之仕履
見雜史類

四庫全書著錄明史藝

文志焦氏經籍志俱載之荆川於書無所不闕而
益務著述不怠爲左編以紀事爲右編以紀言爲
文編以紀古之作者而最後成茲編凡五十有二
類首以六經明其本也繼以百家充其養也終以
六官全其用也其間經史子集靡不備具而尤以

十三經二十一史爲之綱領兼折衷於唐宋諸賢之說可謂曲暢而旁通矣其書初名雜編後改爲稗編取莊子道在稗穉意也書成未刻而荆川歿至萬厯辛巳歸安茅康伯一相始序而刊之并爲例義其書未免爲其所竄亂故瑕類在所不免而囊括古今實足以資博識較之左右諸編似更適於用云

名疑四卷

借月山房彙鈔本

明陳士元撰

士元仕履見四書類

四庫全書著錄是書仿

梁元帝同姓名錄陸魯望小名錄之意而推廣之於古人性名異字更名更字與同姓名之重複奇

僻者上自皇古下迄元代靡不登載援據繁富而
不免於紕繆閒出近胡密廬謂古人作書義各有
取陳君意在徵引浩博以資閱覽與譜春秋氏族
表唐宰相世系者不同未足爲此書病也見張張鐸跋
若雲卽從密廬之子雨岑處借得之校讐付梓嘉
慶己巳張鐸爲之跋冠以提要附錄周亮工書影
一則

萬姓統譜一百四十卷

原刊本

明凌迪知撰

迪知仕履見雜史類

四庫全書著錄尙有姓

族博考十四卷明史藝文志

譜牒類

亦俱載之又冇

歷代帝王姓系統譜六卷

亦載明志

未見傳本是編以

古今姓氏書爲宗參用一統志十三省通志各郡縣志至於史傳文集諸書遠自上古近迄明代凡有一人一姓歷官事蹟可錄者悉采擇類編以四聲韻爲綱以東冬支微爲目更攷韻府羣玉韻會等書凡韻字下注姓者以次備載每一姓下一曰望二曰音三曰氏使姓各得所著之本不失受氏之宗其希姓無人者惟書其姓并望氏或有其姓而無人無望氏者必出於韻書姓苑姓纂原載始錄之至複姓取上字爲據亦分四聲別爲六卷列於後其書包括蒐羅上下千載綱維經緯縷析條分可謂雜然而陳燦然悉備者也惜其搜采雖廣

而不免龐雜牴牾究不及名賢氏族言行類彙足
有資於攷證書成於萬厯己卯前有自序凡例及
引用書目又有王弼州世貞王百穀穉登二序

文選錦字錄二十一卷

文林綺繡本

明凌迪知撰 四庫全書存目無錄字前有萬厯

丁丑自序稱清江劉公

儼

有文選類林十卷眉山

蘇公

易簡

有文選雙字類要六卷

存目作三卷

識者以

劉病於煩蘇病於簡余合二書而增損之以爲繡
句時一助然二書皆非眞蘇氏劉氏所作疑南宋
時業詞科者所依託此不通餽飭之學耳而穉哲
復增損其書分爲四十六門又分爲六百八十一

目錄轉裨販更無可觀

續文獻通考二百五十四卷

明萬曆癸卯刊本

明王圻撰

圻仕履見
政事類

四庫全書存目明史藝文

志

故事類

亦載之洪洲謂馬氏通考窮搜典籍以言

乎文則備矣而忠臣孝子節義之流及理學名儒
類皆不載則詳於文而獻則略因輯遼金元明典
故以續其後而又增節義書院氏族六書謚法道
統方外諸考以補其遺今攷其書於馬氏分門續
之而又增者如田賦考增黃河大河三江河渠四
目國用考增海運一目學校考增書院義學一目
未爲不是而所增氏族六書謚法三考則又依通

志略而增補之可謂續所不當續又所增節義考雖分二十四目俱列女孝義之類道統考則以時代編次亦俱聖賢先儒之類總不足以盡所謂獻也且馬氏之所謂獻自序本有明文洪洲豈不知之而妄增之耶至方外考道釋各分三目又於其所謂獻者而失之矣惟道家總紀釋家總紀二冊敘述史冊所記兩家興衰之事頗有可取然非續通考所應有也大都分門別類則踏駁而無當纂言記事則冗雜而不經以之續鄱陽之編眞所謂豬之於龍也所以 高宗純皇帝特詔儒臣別

事纂輯成二百五十二卷以續馬氏端臨之後副

鄭記六十二

在中秘未能家有其書故欲攷嘉定以後典章者不得不以王氏書備檢閱云前有小引凡例及周家棟溫純許維新曹時聘四序後有其門人何儼跋

三才圖會一百六卷

槐蔭草堂刊本

明王圻撰第三十五卷以下其子思義所續也

思義

字允明

四庫全書存目明史藝文志作三才圖說

字之誤也是書成於萬厯丁未前有自序稱余少年從事鉛槧卽監慕圖史之學凡璣衡地域人物諸象繪靡不兼收而季兒思義頗亦棲心往牒廣加蒐輯圖益大備友人李聞斯何振之皆博雅君

子也相與較讐成帙然則是編乃其與允明其成者故周孔教陳繼儒顧秉謙何爾復四序皆詳及

之而三十五卷時令門以下明題允明名氏也書分天文地理人物時令宮室器用身體衣服人事儀制珍寶文史鳥獸草木十四門其天文圖前有李庭對序地理圖前有唐國士序其書皆彙諸書

中圖譜而成凡圖繪勒之於先論說綴之於後使圖與書相爲印證蒐羅頗爲繁富亦有裨於多識而門目瑣屑排纂冗雜下至弈棋牙牌之類無所不收卽所繫諸說亦皆摭掇殘剩未晰源流甚至軍器類中所列鞭鐺二圖稱鞭爲尉遲敬德所用

鋼爲秦叔寶所用雜采齊東之語漫無攷證其不及章本清圖書編遠矣

喻林一百二十卷

原刊本

明徐元太撰

元太字汝賢宣城人嘉靖乙丑進士官至刑部尙書

四庫全

書著錄明史藝文志亦載之是書成於萬厯乙卯前有自序稱予至陋且善忘故日隨疏記以識所聞然尤嗜喻言爲假譬之殊形異類甚易竅穿壅遏修詞者可舍旃耶第唐而後學士大夫騷人墨客咸嗔繁穢乃斷六朝以上自經史子集以及道佛諸書四百餘種凡語涉比辭者無論聖賢與流略之粕華目所嘗見必手錄焉卽非喻而可爲喻

猶筆存之又病叢穰蔓雜不便省觀因加詮次成
編今觀其書凡分造化人事君道臣術德行文章
學業政治性理物宜十門每門又其分子目五百
八十四其體例爲古所未有其徵引古籍具列書
名并注其篇目卷第則仿李濟翁資暇集程泰之
演繁露之例尤明人之所不能也然所注出處不
得其本始者頗多間有時代外迂書名混淆併明
代僞書亦一概蒐羅者由其專務浩博尙未能原
原本本粹然無瑕疵耳前又有郭子章序及采摭
書目

修辭指南二十卷

五樂堂刊本

明浦南金編

南金吳縣人嘉靖壬午舉人官國子監助教

四庫全書

存目明史藝文志亦載之南金以爾雅左腴漢雋

書敘指南四書者其言皆經籍之粹而子史之英

也乃彙而爲一編凡分二十部四十類三百二十

六篇其凡例稱爾雅悉照原本備錄左腴太倉陸

進士伸所輯今補其所未備而以類分之漢雋

宋林

越今以紀志賦傳等次序之使各從其類而不混

書敘

宋任廣

中有前後倒置者有彼此互見者並正

之有淺近易曉者有冗穢可厭者並黜之云云蓋

亦爲操觚染翰之需以免駕空徇俗之病故書名

卷數俱與任氏書相類然其書之淺近而冗穢者

較任氏又加甚焉前有嘉靖丁巳安仁劉麟序

楚騷綺語六卷

文林綺繡本

明張之象撰

之象字月鹿上海人由諸生入國學授浙江按察司知事

四庫

全書存目是編取楚辭字句可借詞賦之用者分爲七十四篇卽摘每篇首條標目亦舊傳劉貢父文選類林之流而併泯其篇題則簡略殊甚此踵黃勉之省曾騷苑之謬者也前有萬厯丙子凌稚

哲迪知序

經濟類編一百卷

原刊本

明馮琦撰

琦字琢庵臨朐人萬厯丁丑進士官至禮部尙書諡文敏

四庫全

書著錄明史藝文志亦載之案是書琢庵歿後僅

存手彙其弟

瑗

及其門人周

家棟

吳

光儀

共相刪

定分爲二十三類曰帝王曰政治曰儲宮曰宮掖
曰臣曰諫諍曰銓衡曰財賦曰禮儀曰樂曰文學
曰武功曰邊塞曰刑法曰工虞曰天曰地曰人倫
曰人品曰人事曰道術曰物曰雜言又其分子目
三百條皆雜采秦漢以下鴻儒著作名臣奏對旁
及諸子百家竝議眇論有關經濟者靡不殫載大
致仿冊府元龜而體例稍與之異惟道術物類二
門所載瑣說瑣事何佐於廟謨何裨於掌故而不
加之刊削是則瑗等排纂之無法矣前有萬厯甲
辰馮夢禎吳光儀二序目錄後有瑗識語又有凡

例及校刻姓氏

山堂肆考二百二十八卷補遺十二卷

梅野石渠閣刊本

明彭大翼撰

大翼字雲舉又字一鶴揚州人萬厯中官至雲南雷益州知州

四

庫全書著錄明史藝文志總作二百四十卷其書

成於萬厯乙未其自爲之序當時未及付刊漸致

殘缺迄萬厯己未其孫張儀伯幼學乃蒐集散軼

重加編輯始成全帙分爲五集宮集凡六門商集

亦六門角集凡十門徵集凡十四門羽集凡十三

門每門又各分子目其分集雖如趙澤章因話

錄例無所取義聊藉以紀其部帙而已大抵舊梓

類書而成非若徐汝賢喻林陳晦伯天中記之伐

山自作然搜羅浩博尚有條理其分道教僣教爲二門例本漢志較他類書頗分曉其補遺凡二十一目卽附於羽集之末不別爲卷第云前有焦竑凌儒馮任王兆登廖自伸成友謙六序後有其弟大綱其子取第二跋并有儀伯小記及凡例姓氏說略三十卷癩真草堂刊本

明顧起元撰

起元字太初江寧人萬曆戊戌進士官至吏部左侍郎兼翰林院侍讀學

士諡文莊

四庫全書著錄明史藝文志小說家類作六十

卷字之誤也是編皆摘錄說部排續成帙凡分象緯方輿時序人紀官儀史別禮藝律文典述字學書畫李法冥契居室服飾工考諧志食憲珍格卉

賤蟲注二十一門但纂言而不記事與徐汝賢喻
林相近大抵考驗是非綜校名實兼資多識用廣
博聞古今賢哲之用心往往可以概見焉然就一
類之中多有缺遺就數類之中多非關要或搜或
引愛奇語怪誠不免焉據其自序稱門類差分涉
獵未廣更釐正而附益焉而病後未果僅藁爲三
十卷錄而存之兩弟時從旁慫慂梓於家塾以示
兒輩云云則亦其自知之明矣

庶物異名疏三十卷

原刊本

明陳懋仁撰

懋仁字無功□□人

四庫全書存目是編輯

庶物之異夫名者疏其大略凡分部二十有五自

鄭記六十二

黃甲至佩阿又一分名二千四百五十有五因物
申義而不盡著出典大都裨販之學且併左傳史
記文選之類亦不一檢視可以概見其孤陋矣無
功嘗受學於黃石齋而所撰著乃如此有忝門牆
不淺前有自序及崇禎丁丑姚士彝錢千秋二序

圖書編一百二十七卷

明刊本

明章潢撰

潢字本清號斗津南昌人萬曆乙巳以薦授順天府學訓導年已七十九不能

赴官詔用陳獻章例官給月米後至八十二歲而卒門人私謚文德先生

四庫全書

著錄明史藝文志亦載之前有自序稱圖書爲天
地之文章今之號稱豪傑者豈特於天地之文章
未嘗留意卽圖書名義且莫之辨故雖好藏載籍

何啻萬卷究其所謂圖書不過畫工之末技文字之煩蕪至於天地之文莫知所寶予因備采其切於身心關於國家者以類編之題曰圖書編今觀是書總爲四大綱凡經義十五卷天道十三卷地道三十八卷人道五十七卷附以易象類編學詩多識各一卷而四大綱中又各分爲細目皆裒輯諸圖係以論斷亦有一二無圖而因類以附其義者其以己意發揮多至二三段者亦皆隨時筆記未及櫟括成篇核其體例當取古人左圖右書之意而自謂取義於天地之文未免泛而無當然其書蒐羅浩博賅貫古今而無鉤連牽扯支離破碎

之習蓋遠在王洪洲三才圖會之上誠有裨實用
可備考索以庶幾於正氏大學衍義補之萬一云
前自序後附圖書編原又有凡例及采輯考證
書目冠以萬厯癸丑其門人萬尚烈求序始末引
天啟癸亥岳元聲序及其家藏記

駢志二十卷

原刊本

明陳禹謨撰 四庫全書著錄明史藝文志亦載
之是編成於萬厯丙午前有自序稱念往牒中事
詞多肖不若臚列肖者足備遺忘亦便商訂嘗憶
曩時閱史如山公嫗謂甚肖河伯婦蘇則膝不枕
俟人甚肖羊侃牀不坐閤人岸側人言顧吳郡甚

肖塹中兒呼蕭丹陽凡若干則顧未之志也茲益以近段所得彙爲一編命曰駢志大都史家爲多閒出諸子稗官自隋唐以後則鮮及焉今觀其書以十千分部各爲上下皆取事詞之相肖者兩相並列而詳注端末略以類從其所錄者卽序文所舉之類是也然有一字異而其義同者亦爲采入則采之不勝其采矣僅舉數事反涉掛漏此則爲例不純也然所載旣廣頗足以稽古異同故體例雖出於趙元素之雞肋而博瞻則遠勝之矣

廣博物志五十卷

乾隆辛巳高暉堂重刊本

明董斯張撰

斯張字遜周烏程人

四庫全書著錄明史藝

文志

雜家類

亦載之按張茂先博物志原本散佚後

人采其遺文裒合成編而附益以他說故證以諸書所引或有或無或合或不合也後李方丹所續多采舊文雖不分門目而大致略同至遐周又變其體例作是書以廣之自天道以迄蟲魚別列分爲二十二門一百六十七目遂成類書而非瑣記矣然所引古籍皆采自原本具有端緒卽徵引類書亦皆唐宋巨帙惜其不注類書中所引書名而但以本書標題蓋其疏也然遐周本深於攷據有吹景集十四卷行世此書雖與張李兩家不類而卽以類書論猶明季之錚錚者矣前有萬厯丁未

韓求仲敬序

天中記六十卷

原刊本

明陳耀文撰

耀文字晦伯確山人萬厯庚戌進士官至按察司副使

四庫

全書著錄明史藝文志焦氏經籍志俱載之焦氏作五十卷蓋初刻未竟之本也是書凡分五百餘類每類各條俱有標目其所爲記悉羅古今之所恒有而又能廣搜耳目之所不及見聞琅函雲笈奧書祕典往往而在徵引旣極浩博而皆能注出書名以明有據間附辨證以挾摘典籍之失兼訂定向來類書之沿譌此皆撝類書之所無也蓋晦伯著正楊一編以糾正升庵丹鉛諸錄本以考據

爲能事故凡遇有舛誤處亦不肯置之不論也其
曰天中記者乃其所居近天中山因以爲名併取
著作藏名山之意云爾前有隆慶己巳李裴初刻
序至萬厯己丑重刻定本陳文燭屠隆又皆爲之
序

駢字憑霄二十四卷

原刊本

明徐應秋撰

應秋字君義號雲林浙江西安人萬厯丙辰進士官至福建布政使

四庫全書存目明史藝文志作二十卷蓋偶誤脫
四字爾前有順治壬辰其從子國珩序稱叔子獨
敦文史無異彥和每得奇字駢語輒櫛比識記尋
復裒然成帙字曰憑霄而手自作序領異標奇不

留鬚眉翁張而家珍指數也今觀其書凡詮義十
卷釋名十四卷每卷又各自分目大抵以朱鬱儀
駢雅爲藍本而更從他類書中剽剗其駢字以傳
益之所注亦頗簡略出典有注有不注亦未盡一
大有類於鄉塾陋儒拮拾殘剩之所爲而顧出自
甲科顯宦之人蓋明季士大夫不學類如此自注
引王子年拾遺記云蒼梧有鳥名憑霄能吐五色
氣又吹珠如塵積珠成壘因取以名其書云

藝林鬯百八卷

原刊本

明李紹文撰

紹文字節
之華亭人

四庫全書存目目前有天

啟癸亥自序稱教乘法數一編乃會稽圓靜禪師

所集從一至百采藏乘中微言奧旨指出示人余
歎吾儒何獨無之於是取家藏簡冊日加繙閱稍
涉數目者摭蒐不遺間有數適相符爲庸夫孺子
之所耳熟者輒棄去不錄歷八載之勞然後從一
至百犁然具備眞足與教乘法數兩相頡頏矣然其
書不過小變王厚齋小學紺珠之體例初無難事
用力之久而始克成編乎且皆不著出典摭拾叢
雜又多舛漏聊存備插架之一種可耳

備吹錄二十卷

原刊本

明文德翼撰

德翼字用昭號燈巖德化人崇禎甲戌進士官嘉興府推官

四

庫全書存目尙有次集二十一卷是編取諸書新

豔字句裁爲對偶蓋以廣楊升庵謝華啟秀而作
然皆不著出處事無源委不便引用況又不分門
類如許繁重之帙將使學者從何檢尋則亦不適
於用之書耳其名書之義自序祇云我實備之誰
爲吹之康熙乙巳嚴顯亭沅序之亦祇云漆園有
言夫言非吹也言者有言其所言者特未言也究
亦不得其解云

廣韻藻六卷

原刊本

明方夏撰

夏字南明自號養春子長洲人

四庫全書存目南明

以楊升庵所纂均藻頗有益於初學雕繪之助因
於讀古之餘遇語句芳鮮字法古豔者輒雜識之

久而成帙爰取升庵原本稍刪其蕪複而以其所得廣焉大抵原纂者十之二續入者十之八然其所廣者率一時興會所至隨筆偶錄瑣言碎義無所簡擇未免失之漫雜惟其各韻前後悉從原本編次而改其均藻爲韻藻尙不涉弔詭之習前有自撰凡例及崇禎壬午朱袞序後有其弟來跋語御定淵鑒類函四百五十卷目錄四卷

武英殿刊本

康熙四十九年大學士張英等奉 敕撰謹案是編蒐輯俞安期唐類函中所載北堂書鈔藝文類聚初學記白帖旁及通典歲華紀麗諸書而博采廣收自唐以後五代宋遼金元至明嘉靖年止所

有類書總集及子史稗編咸與蒐羅悉遵前例編入凡分四十五部每部又各分類每類以釋名總論沿革緣起居一典故居二時偶居三摘句居四詩文居五所采皆詞尙風華義資典核以供詩賦之資其有文不雅馴事涉荒穢者或竟從刪削或略識大凡詩文於短章則全采於長篇則節錄以備參稽之助計其篇頁繁重較太平御覽乃贏三之一焉實古今類書之淵海也卷首冠以 聖祖仁皇帝御製序文暨張英等進表以及纂修職名凡例目錄

御定駢字類編二百四十卷

武英殿刊本

康熙五十八年大學士張廷玉等奉 敕撰雍正

四年告成謹案是編所采諸書詞藻並括以二字而以上一字類從凡一千六百有四字分隸天地時令山水居處珍寶數目方隅采色器物草木鳥獸蟲魚人事十三門其逐字次序稍從字義安排不以書拘其每章之下所引經史子集則仍書之前後皆選字面確實的然成類不假牽合造作者惟除虛字不采至如字面雖實而類聚不倫及不甚雅馴或於對屬無取者概不泛及故體例較佩文韻府更爲精密昔周亮工書影謂韻府惟齊句尾一字欲刪一書齊句首一字以便檢核因舉一

白字爲例是書蓋用其說補此一體云卷首冠以
世宗憲皇帝御製序文暨諸臣職名又有凡
例六條

御定分類字錦六十四卷

武英殿刊本

康熙六十年大學士張廷玉等奉 敕撰謹案是
編皆采掇羣書中成語裁爲對偶凡分四十門六
百一類每類又各分二字成對二字備用以及三
字四字皆然凡六目而各注原書於其下皆字句
麗雅巧合天然攷徐堅初學記始有事對然每門
不過數聯未有全書皆如是者卽有之亦不過如
楊慎謝華啟秀僅成八卷而已且翦裁配隸更不

能如是之精核也卷首冠以

聖祖仁皇帝御

製序文及官員職名

御定子史精華一百六十卷

武英殿刊本

康熙六十年大學士張廷玉等奉 敕撰雍正五

年告成謹案是編凡分三十部二百七十有九目

大書以提要而分注以備言皆棄彼糠粃存茲精

蘊俾學者於子史兩部得守約之道焉以視從前

庾仲容子鈔馬總意林錢端禮諸史提要洪邁諸

史精語諸書誠所謂因陋就簡不足當是書之萬

一矣卷首冠以

世宗憲皇帝御製序文及諸

臣職名

御定佩文韻府一百六十卷

武英殿刊本

康熙四十三年大學士張玉書等奉 敕撰五十年告成謹案是編依韻分爲一百六十卷而中分子卷二十有四實一百六十卷 四庫全書著錄以篇頁繁重編爲四百四十四卷其書分韻隸事每字先載韻藻皆以陰幼遇韻府羣玉凌雜隆五車韻瑞所已載者列前而博徵典籍補所未備列於後則標增字以別之並以兩字三字間及四字相從而又各以經史子集爲次然舊有者不及十之一二新增者逾於十之七八又別以對語摘句二者附於其末蓋自顏真卿韻海鏡源以來未有

如是之巨帙也若陰氏凌氏之書真可束之高閣矣卷首冠以 聖祖仁皇帝御製序文及官員

職名

御定韻府拾遺一十二卷

武英殿刊本

康熙五十九年大學士張廷玉等奉 敕撰謹案是編以拾佩文韻府之遺原書卷凡一百有六墨板一萬八千有奇是書所增可得二十之一而卷以韻釐仍如其數韻藻所未及而別增者謂之補藻其韻藻所載而增注者謂之補注而於對語摘句二者則無所增補以原書已詳備也所補搜奇抉秘纖悉靡遺仰見 睿慮周詳無微不至雖一

典籍之編摩亦必研求精密不留毫髮之遺憾焉
卷首有大學士王揆王頊齡謹序及校勘纂修職
名

三才彙編六卷

虞山毛氏汲古閣刊本

國朝龔在升撰

在升字聞園嘉善人順治己亥進士官蘇州推官

四庫

全書存目是編乃其備科舉答策之用而作皆摭
通典通考玉海及冊府元龜諸書爲之上自象緯
下及輿圖中蒐人事分類編輯頗屬簡略間附議
論亦未確當時方廢八股專以論策表判取士卽
有此種陋本出焉蓋與明莊忠原元臣三才考略
皆屬稗販之書也前有康熙丙午自序及徐元文

葉方藹

顧璣

美盧

紘

四序

考古類編十二卷

澹成堂刊本

國朝柴紹炳撰

紹炳字虎臣號省軒仁和人

四庫全書存目

是編蓋爲舉業後場而設專取馬氏通考王氏續通考朱氏治平略諸書凡有關於典章經制者莫不摘其指要分類成篇凡三十三篇每篇隨敘隨斷能令讀者得失瞭然縱未能該洽古今而鑒識事體亦足見識用之一班也虎臣以其采掇正續通考居什之六七遂以通攷纂要名書自爲之序至雍正乙巳高希武續勳以其標題不無偏舉易以今名華亭姚平山培謙更加以評注而付之剞

剛前有希武凡例及平山序又有高步青起序

石樓臆編五卷

原刊本

國朝周綸撰

綸字膺垂華亭人茂源之子也康熙中官國子監學正

四庫

全書存目是編成於康熙丙午蓋以是時定制於

爲國爲民之策論表判中出題試士故所載以天

地春夏秋冬六官分門每門又其分子目五十九

上考歷代之制作參以本朝之典法於名公鉅

卿章奏所載多從鈔節以省繁重其間因革損益

亦頗得其大略然專爲場屋之計究未免挂一而

漏萬也前有自撰凡例及盧

元昌

魯起二序

讀書記數略五十四卷

原刊本

國朝宮夢仁撰

夢仁字定山泰州人康熙癸丑進士官至福建巡撫

四庫

全書著錄定山以紀數之書自王厚齋小學紺珠
始然隨手偶記頗鮮倫次繼復得明初張美和羣
書拾唾名以羣書備數而仍多未備爰是有志得
卽書之不數載至六千餘條三四倍於兩集因輯
以成編凡分天地人物四部疏爲五十四類皆取
其繫於數者紀之於冊其數之所不繫者罔不穿
穴采掇橫見側出於其間大約羣經正史諸子別
集居其強半而稗官野乘卮言瑣說亦間及之其
過於纖巧近於俚褻以及奇幻不經者雖有數可
紀概不采入其蒐羅雖廣甄錄頗嚴而紀載又極

賅備猶懼其略焉而弗詳故名曰略然以視王氏張氏兩書此實集其成矣書成適當康熙丁亥

聖駕南幸駐蹕揚州因繕寫進呈 行幄得

旨鈐版行世前有 奏進書摺 奏鈐式摺 奏

書成摺三道并凡例十一則陳午亭 廷敬 王橫雲

鴻緒 俱爲之序

格致鏡原一百卷 原刊本

國朝陳元龍撰

元龍字廣陵號乾齋海寧人康熙乙丑賜進士第三官至大學士謚

文簡

四庫全書著錄是書乃其於康熙丁亥戊子

間乞養旋里時所作自乾象以迄昆蟲凡分三十類每類又各分子目其另爲類而不成卷者則附

鄭記六十二

三

於各類之後所引以經史爲主而輔以稗編叢書俗說野乘大都專務考訂以助格致之學故每紀一物必究其原委詳其名號疏其體類考其制作以資實用而於古來詩賦以及故事一概不錄以別於他類書間有關於物之別名與怪異者則采百之一焉其紀載務博篇帙務約故連綴諸書而於緊要處用旁圈以顯之既稱詳備亦復精核且大而連篇小而隻字必繫書名尤有資於參考不似明人類書之難徵信也其書成後旋被

召入

京又出而撫輿卽行付梓冠以凡例時有婁縣范

武公

續

嘗館乾齋家相傳是編卽其所纂然乾齋

序其白香樓集止稱其長堪輿學云

三體摭韻

無卷數 寫本

國朝朱昆田撰

昆田字西陵秀水人彝尊子也

四庫全書存目

作十二卷檢浙江采集遺書總錄亦同此本惟作十冊不分卷數蓋猶其最初之槁故空行最多也其書采元以前騷詩詞三體雋語依韻分編凡習見者俱不錄所錄惟取新豔字句以爲典據雖事出經傳子史而既爲三體所引用卽以三體爲主故曰三體摭韻其體例仿韻府羣玉采掇殊屬浩博而不免失之繁複是時欽定佩文韻府未出故人皆爭相傳鈔今則但覺其可覆瓿耳近又有

曝書亭摭韻五冊前亦署西陵之名氏中多與原書重出者疑後人鈔撮佩文韻府爲之云

類類編

無卷數 原稿本

國朝潘之藻撰

之藻字文水號雯黈烏程人

是編前後俱無序

跋又不分卷數祇分十集二十部東集二部曰乾

象曰時序壁集圖集合一部曰郡邑書集三部曰

區宇曰人事曰人倫府集一部曰官職西集團集

合一部曰姓氏翰集六部曰形體曰顏色曰服御

曰飲食曰器具曰珍寶墨集二部曰草木曰果蔬

林集四部曰鳥獸曰蟲魚曰方隅曰數目每部之

中又各分子目其子目分類又俱依部目爲次每

類於部目後又間綴剩語一目以收其無可歸者
於古今各類書外又別爲一體是眞能撓類書之
所無以補前人之闕典矣其徵引博瞻條理秩然
又其餘事蓋類書體格最忌陳陳相因是編脫去
舊套織成新樣亦超軼前後之作也

廣事類賦四十卷

劍光閣刊本

國朝華希閔撰并自注

希閔字豫原號芋園無錫人康熙庚子舉人

四庫全書存目芋園以吳正儀事類賦間有未備
因增輯爲是編刊附吳氏書後其書凡分天文歲
時帝王職官仕進禮樂政治文學學術技術戚族
交際閨閣人品人事釋道宮室音樂服飾飲食器

用花木百果飛禽走獸水族蟲豸二十七門每門又其分子目二百九十一各爲一篇亦如吳氏書例自爲之注吳氏書係宋初舊籍足資攷證若爲雅俗皆適於用起見則莫如此編最宜矣毋論其不逮吳氏之精博也前有康熙己卯自序至乾隆甲申其弟蕢園希闕又爲之重訂付刊而繫以序類腋天部八卷地部十六卷人部十五卷物部十六卷巾箱小本

前二部 國朝姚培謙撰後二部培謙與張卿雲

同撰卿雲培謙字平山號述齋平山以古人排類之

書自歐陽氏藝文虞氏書鈔而下無慮百十家彼

此相沿漸成訛舛因擬別撰一集遇一事必求其
出處不以前後類書爲憑每從翻閱之下隨手割
記先成天文一門芟汰其不切於用者而名之曰
腋蓋深鑒其不精者而欲求其精也旣而博稽省
志郡乘厯代方輿風土諸紀述以溯古來郡邑之
分合廢置爰逮

皇朝無所遺漏其山川古蹟

命名馴雅可施於文字則登之凡一方形勝表表
著見爲遠近所指稱者概不從略計得十五卷附
以山水等類一卷至人物二部頭緒繁多未易該
括因與栖靜以次蒐輯凡古今類書所列門目或
本分者合之或本合者分之或補其未備或汰其

過冗無不采掇菁藻合成巨冊故雖僅屬兔園冊
子掇拾叢殘通人所不屑道然實便於舟車攜帶
以備隨時檢閱幾於家有其書焉每部前各有平
山自序後有栖靜子翰尊隆孫跋

氏族箋釋八卷

通行本

國朝熊峻運撰

峻運字在涓新建人

四庫全書存目在涓

以原本百家姓舛謬駁雜毫無意義因翻閱史冊
節錄歷代忠孝廉義清節高風與一切才人賢士
貞修淑行者纂成一帙時當雍正癸卯卽以雍字
居首取原本四百六十八字聯屬其文纂爲新本
字取有意辭必有義較原本爲雅馴附以散姓一

百二十八則以四聲爲次併於各姓下串之以四
六詳之以事實條分縷晰魚貫珠聯俾學者略識
姓氏之所由來併知其所由衍以爲書啟翰墨之
用亦可補於雅觀矣前有自序及王思訓序目錄
後有其父求及盧士鏞二跋

廿一史四譜五十四卷

海昌查氏刊本

國朝沈炳震撰

炳震履歷見別史類

是書就廿一史中紀元

封爵宰執諡法四者分類編次以備記憶凡紀元

譜四卷分正統

僭號附

亂賊外國總類四門封爵譜

二十四卷首爲歷代封爵制次分四聲編列宰執

譜十卷首爲歷代宰執制次分時代編列後及類

鄭記六十二

姓則分韻編列謚法譜十六卷首爲歷代謚法制次分帝王謚號歷代追尊后妃公主暨諸臣譜四門後及類姓亦分韻編列其體蓋出於表麻之流而變其旁行斜上者爲標目舉帝紀之要撮世家列傳載記之綱而類聚區分合於書志薈萃羣言之法約而不漏簡而能該諸史之義例略備矣前有自撰凡例汪松泉由敦爲之序

唐詩金粉十卷

冬讀書齋刊本

國朝沈炳震撰是書皆采掇全唐詩中之麗字妍辭以供詩人漁獵之資凡分十七門每門又各分子目其唐人詩題有可以備故實者則詳著其題

而其詩略焉蓋意在於題而不在詩也命曰金粉
自謂聊以爲娛母文陋豈敢向西子增妍云然全
唐詩卷帙繁重窮鄉僻壤家不能有其書卽有之
亦不能徧觀而盡識東甫刺取其辭而類之洵淮
南之鴻寶也前有雍正甲辰自序凡例及高東軒
賦序

疑年錄四卷續疑年錄四卷

嘉慶癸酉刊本

國朝錢大昕撰續錄其門人吳修撰

大昕仕履見傳記類修

字子修號思亭海鹽人

竹汀嘗考求古今名人生卒之年核

其壽數自漢鄭康成以迄

國朝邵二雲

晉涵總

三百六十三人取左氏傳有與疑年之意名之曰

疑年錄竹汀亡後思亭得其遺藁因爲校訂不易
一字偶有所見附注左方又推廣爲續錄自漢劉
向以迄國朝黃仲則景仁總三百四十二人又
補錄九人則皆卒於嘉慶癸酉以後者大抵多殫
研經史之士與詩古文詞名家以及書畫知名之
人猶竹汀意也前錄爲姚姬傳鼐序續錄爲思亭

自序

史姓韻編六十四卷

雙節堂刊本

國朝汪輝祖撰

輝祖字煥曾號龍莊蕭山人乾隆乙未進士官湖南寧遠縣知縣

是編合二十四史列傳附傳之人標姓彙錄依韻
編次以資尋覽凡六十卷其遼金元三史中標名

不著姓及姓須譯改者俱依韻另編爲一卷而以明史中名姓類三史者附焉又如野王二老瞿硯先生之類姓不可考者別爲佚姓一條與釋氏之不著姓者爲一卷至男女宜有別故公主列女各以類編爲二卷而不以姓分焉又有一人而見二史三史者分行注之同姓名者書其官籍別之皆所以爲讀史者便檢閱也然其自序稱編錄之時遇其人勲節燦著傳目雖不標名亦必附載於篇儒林黨錮孝友傳序之所錄者概不敢遺雖非爲傳中人詳世系而賢臣名將或并其先人後裔牽連及之若外戚若權姦往往亦附所自出竊於是

寓勸懲之意焉則亦不第就史傳姓名排比聯貫之以韻無深義也顧其時方撰九史同姓名略唐以後采錄稍詳而南北史以前諸多漏佚未免留偏而不全之憾也已前又有乾隆甲辰魯仕驥嘉慶丙辰章學誠二序後有孫頤谷志祖跋

九史同姓名略七十二卷補遺四卷

雙節堂刊本

國朝汪輝祖撰龍莊以歷代說部多有采錄同姓名者寥寥不過數十人而止余寅同姓名錄既於正史外旁及他書而史所紀載轉闕焉不詳爰就新舊兩唐書兩五代史宋遼金元四史暨欽定明史摘其姓名之同者先爲彙錄手繕成冊得姓

若干得名若干凡同姓名者二萬九千有奇姓依韻府名依字典有專傳者稍詳行蹟如僅散見他人則官名地名之類摘錄一處同在一史錄其時世史既不同時世亦間略焉至九史交涉之際或一名而兩三史互見其官職較然不同者俱在甄錄間有疑似之處亦錄以備考及鏤版之後復補成若干編爲補遺以附原書之末其自序稱九史之中同姓名者已如其夥由史記以至南北史十五史所同及十五史之同於九史者又不知凡幾倘得徧校二十四史詳加釐訂克成完書則是書其嚆矢也後果重訂爲二十四史同姓名錄余

尚未之見云是編前又有自撰例言補遺後有自跋

三史同名錄四十卷

雙節堂刊本

國朝汪輝祖撰其子繼培補

繼培字因可號厚叔嘉慶乙丑進士官吏

部主事

龍莊既撰廿四史同姓名錄於漢姓差備至

遼金元三史則不能復以姓統名因取三史中以國語命名者重爲編輯遼金則以名爲綱而以異姓者分列之元則以蒙古色目及遼金部族爲主而以漢姓者附存之首字以韻相次次字以部相從訂其異同各爲次第復旁攷五代宋明諸史以資參證草槩初就厚叔續加刪補以成是編凡遼

史同名五卷金史同名十卷元史同名二十卷異
史同名各止一人及一史已有同名而他史別出
一人者爲總錄二卷五代史宋史明史人名之合
於三史者爲附錄二卷自序及三史同名錄目爲
敘錄一卷則遵經典釋文例也置之卷末又遵太
史公書例也於是三史所載毋論有傳無傳之人
凡有同名詳悉考別既博且精得未曾有固當與
國語解並編列傳之後俾讀史者軒目豁心可爲
久法正不必苦心曲意斤斤於列傳人名之間求
其同異矣前有嘉慶戊午會稽章學誠序

家塾蒙求五卷

霞映堂刊本

國朝康基淵撰

基淵字鏡溪臨縣人乾隆壬申進士

鏡溪課幼子時

輯天地人物合下所覩見古人所嘗言者分疏名

義參擇理緒條分縷晰以類相從凡天地合一卷

人三卷物一卷顏曰蒙求其羅藻綺陳古典非童

蒙所宜者不錄攷蒙求始於唐李翰而王殷範白

廷翰相繼有作

見新唐志

今惟李氏書存然其書僅徵

史事又多束於韻語猶爲隘而不弘未若斯編之

兼總條貫也且其采摭最爲繁富議論亦極醇正

非特爲童蒙之善本卽在成學之士亦未嘗不可

備遺忘也書成於乾隆己丑自爲之序至嘉慶壬

戌其子伊山

綸鈞

校刊於延安試院武進莊

析又

爲之序後有宋賦梅緝璟跋

清河偶鈔四卷

程氏遺書本

國朝程際盛撰

際盛仕履見禮類

乾隆壬子秋東治奉

命監賑清河

在京師健德門外
蒞正北十二里

公餘多暇惟讀古

人書而已閱覽所及奇文妙墨有可供詩與筆之

引證者分部類居薈萃成冊自天象以迄鱗蟲凡

分三十一部每部中又各以類相從不以經書先

後爲序繫以清河誌其地也所纂挂漏實多然皆

文人逸事清辭麗句領異標新其習見習聞者不

錄焉於凡類書外又別爲一體可以傳矣越歲旣

并爲之序至嘉慶丙辰陳

昌齊

又爲之序

廣廣事類賦三十二卷

嚴經堂刊本

國朝吳世旂撰并自注

世旂字通帛涇縣人

通帛以吳正儀

事類賦所徵引者止及隋唐以前之書而華芋園所增廣者止及原本不載之題因裒集於宋賦百篇中擇其題同事異可以另成篇什者隸而輯之其故實寥寥不足成片段者闕之計得賦五十九篇此外仍有兩家未及之題宜供詞賦采取者益廣之又得賦七十首共計百三十七首亦效向例逐句箋注所引出於唐宋以下者居多間亦參以前集是雖不足以攀附正儀原書而以言乎芋園所廣者夫固如魯衛之政曹檜之風爲陳論者所

不廢矣前有嘉慶丙辰自序

續廣事類賦三十卷

石渠閣刊本

國朝王鳳喈撰并自注

鳳喈號簡亭
江西新城人

簡亭以吳氏

事類賦華氏廣事類賦所繫地部均未詳及州郡則於一方之山川古蹟名宦人物學者皆莫得而依據卽各部內條目亦不無缺略之憾爰撰成是編分歲時地輿帝王職官禮儀文學武功邊塞人品巧藝產業十一部每部各一卷惟地部獨居二十卷其賦依各部中子目爲題凡五十四首地部則以府州爲題凡二百五十首冠以名山十首又於地部每卷之首又各列歷代郡縣各名及名宦

流寓人物所有山川古蹟則擇其命名最馴雅者
列之名宦人物各隨州郡而見不另分一部則擇
其勲名忠孝節義文章爲千古所不朽者列之而
一以乾隆九年所修 大清一統志爲據并卽引
以爲注餘部則引古書注之一如吳華兩家之例
此編雖爲初學儉腹起見而足以供宦游攬勝書
牘往還之助視同時吳通帛廣廣事類賦之作夫
固如驂之有靳矣前有嘉慶戊午自序及楊元藻
序

事類賦補遺十四卷

通行本

國朝張均撰并自注

均號坦齋

按自宋吳正儀撰

事類賦後閱元明以至國朝華芋園始廣之爲二百九十一首吳通帛繼廣之爲一百三十七首王簡亭復續之爲二百六十首其於類事可謂美矣備矣坦齋猶以爲未能無遺復旁搜博采補其缺略自天地以迄鱗蟲凡分一十三門撰成百首并爲之注以殿諸家之後從此事類賦更無剩義後之人可不必再廣再續再補矣前有嘉慶辛未自序

鄭堂讀書記卷六十二